

UPRAVA DRUŠTVA

Broj: U.D. 01-3.2-10578/17

Sarajevo, 28.06.2017. godine

Na osnovu člana 44. Statuta, člana 70. Zakona o javnim nabavkama BiH ("Službeni glasnik BiH" broj: 39/14), člana 14. Stav (2) Pravilnika o javnim nabavkama i preporuke Komisije za provođenje postupka nabavke čvrstih goriva za pošte CP Tuzla-Lot 2, broj: 10.3-13.73-5479-22/17 od 22.06.2017. godine, Uprava Društva na 106.elektronskoj sjednici održanoj dana 28.06.2017.god. donosi:

**ODLUKU
O IZBORU NAJPOVOLJNIJEG PONUĐAČA****I**

Ovom Odlukom vrši se izbor najpovoljnijeg ponuđača: **"GREGO GTP" d.o.o. Kalesija**, u postupku nabavke čvrstih goriva za pošte CP Tuzla - **Lot 2** (nabavka i isporuka uglja), sa ukupnom vrijednošću od **6.120,91 bez PDV-a odnosno 7.161,46 KM, sa PDV-om.**

II

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtjevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16:00 sati), te za ugovorni organ nije relevantno na koji su način poslati. Dokazi koji se zahtjevaju moraju biti originali ili ovjerene kopije.

OBRAZLOŽENJE

Na osnovu Odluke o pokretanju postupka javne nabavke: **čvrstih goriva za potrebe pošta CP Tuzla** broj: U.D.01-3.2-7594/17 od 05.05.2017. godine, proveden je postupak javne nabavke, putem konkurentskog zahtjeva za dostavu ponuda u predmetu nabavke **čvrstih goriva za potrebe pošta CP Tuzla –Lot 2**, sa objavljivanjem Objaveštenja o nabavci, broj: 238-7-1-428-3-121/17 na Portalu javnih nabavki, dana 09.06.2017. godine.

U skladu sa gore navedenom Odlukom sačinjen je Konkurentski zahtjev za dostavljanje ponuda i tenderska dokumentacija je objavljena na Portalu javnih nabavki.

Na Protokol Društva do roka određenog za prijem ponuda (21.06.2017.godine do 12.00h), pristigle su ponude slijedećih ponuđača za Lot 2 –nabavku i isporuku uglja:

1. D.O.O. „HARMELI“ Banovići;
2. "GREGO GTP" d.o.o. Kalesija i
3. "ĐUZEL" d.o.o. Banovići.

Komisija je pristupila analizi i utvrđivanju validnosti prispjelih ponuda, te konstatovala slijedeće:



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Općinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba

1. Ponuda ponuđača D.O.O. „HARMELI“ Banovići, sa ukupnom vrijednošću ponude bez uračunatog PDV-a u iznosu od 8.232,50 KM, je ocijenjena kao neprihvatljiva.

Po provedenom postupku nabavke uglja-Lot 1 u 2015. godini br: 10.3.1-13.73-9270-8/15, a nakon dostavljanja ugovora na potpis izabranom ponuđaču „Harmeli“ d.o.o. Banovići, ponuđač nas je dopisom broj: 785/15 od 06.10.2015. g. (Protokol CP Tuzla br: 17343/15) obavijestio da nije spreman dostaviti garanciju za dobro izvršenje ugovora te samim tim niti potpisati ugovor. Uprava Društva „JP BH Pošta“ d.o.o. Sarajevo donijela je zaključak, br: U.D.-01-3.2-21027/15.6.14, od 02.11.2015. godine, da se navedeni privredni subjekt treba tretirati u smislu člana 45. stav 5. Zakona o javnim nabavkama, tj. da će ponuda ovog ponuđača biti odbijena (tokom perioda od tri godine) odnosno istom neće biti upućivani zahtjevi za učešće u javnim nabavkama, s čim je i ponuđač upoznat i što je navedeno u dostavljenom mu Obavještenju o poništenju postupka nabavke br: 10.3-13.73-9270-24/15 od 15.11.2015. godine.

Obzirom da do zaključenja ugovora, po prethodno provedenom postupku nije došlo, ispunjeni su uslovi da ugovorni organ postupi u skladu sa članom 45. stav (5) Zakona o javnim nabavkama zbog pretrpljenih štetnih posljedica (pored materijalne štete nabavku nije uspio izvršiti na vrijeme), te odbije ponudu ponuđača D.O.O. „HARMELI“ Banovići kao neprihvatljivu;

2. Ponuda ponuđača „GREGO GTP“ d.o.o. Kalesija, sa ukupnom vrijednošću ponude bez uračunatog PDV-a u iznosu od 6.120,91 KM, ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno-pravno, ekonomski i tehnički prihvatljiva;

3. Ponuda ponuđača „ĐUZEL“ d.o.o. Banovići, sa ukupnom vrijednošću ponude bez uračunatog PDV-a u iznosu od 6.756,00 KM. Prilikom analize ponude konstatovano je da ponuđač potvrde o uredno izvršenim ugovorima (tačka 2.2.e)1 konkurentskog zahtjeva) nije dostavio u originalu ili ovjerenju fotokopiji kako je to zahtjevano tačkom 4.2 konkurentskog zahtjeva, zbog čega ne ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno-pravno, ekonomski i tehnički neprihvatljiva.

Na osnovu analize ponude ponuđača „GREGO GTP“ d.o.o. Kalesija, obzirom da jedina ispunjava kvalifikacione uslove, i da je ponuđena cijena u okviru planiranih sredstava za ovu vrstu nabavke (cijena bez PDV-a 6.120,91 KM) Komisija je dala preporuku za izbor najpovoljnijeg ponuđača „GREGO GTP“ d.o.o. Kalesija.

Cijeneći navedeno, donesena je Odluka kao u dispozitivu.

PRAVNA POUKA:

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu Ugovornom organu u roku od 5 dana po prijemu odluke o izboru shodno članu 99. i članu 101. Zakona o javnim nabavkama.

Dostaviti:

- Centar pošta Tuzla (Nosilac posla)
- Sektoru za EKF
- Marketingu (za objavu)
- Stručni tim za J.N.

 **GENERALNI DIREKTOR**
mr. sci. Mirsad Mujic



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Opcinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba